



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Broj: 01-GV-02-142/23
Sarajevo, 25.01.2023. godine

Na osnovu člana 26. stav 1. tačka 2. i člana 74. stav 1. Statuta Grada Sarajeva („Službene novine Kantona Sarajevo”, broj 34/08 – prečišćeni tekst), Gradsko vijeće Grada Sarajeva, na 23. sjednici održanoj dana 25.01.2023. godine, primilo je k znanju

Informaciju o realizaciji projekta „Podizanje dva jarbola sa zastavama Grada Sarajeva i zastavom zvanične maskote XIV Zimskih olimpijskih igara – Vučko na lokaciji kod stadiona Koševo“.

PREDSJEDAVALJUĆI GRADSKOG VIJEĆA

Jasmin Ademović, s.r.





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

Informacija

o realizaciji projekta „Podizanje dva jarbola sa zastavama Grada Sarajeva i zastavom zvanične maskote XIV Zimskih olimpijskih igara – Vučko na lokaciji kod stadiona Koševo“

Sarajevo, januar 2023. godine

Adresa: Hamdije Kreševljakovića 3
71000 Sarajevo, BiH
Tel: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



Informacija
**o realizaciji projekta „Podizanje dva jarbola sa zastavama Grada Sarajeva i zastavom
zvanične maskote XIV Zimskih olimpijskih igara – Vučko na lokaciji kod stadiona Koševo“**

Tokom zajedničkog sastanka koji je održan sa predstavnicima Grada Šanliurfa, Republika Turska, jedna od tema bila je iznalaženje mogućnosti, odnosno konkretni projekti u vezi sa kojima ovaj Grad može pružiti podršku Gradu Sarajevo.

Grad Šanliurfa iskazao je spremnost da, u cilju realizacije projekta postavljanja jarbola sa zastavom Grada Sarajeva i Olimpijskom zastavom, donira Gradu Sarajevo dva (2) jarbola, a čija ukupna vrijednost iznosi cca 100.000,00 KM.

Obzirom da je u prethodnom periodu postojala namjera postavljanja određenih obilježja (zastava) na ulazu u grad Sarajevo, smatralo se da je postavljanje Olimpijske zastave uz zastavu Grada Sarajeva opcija koja na najbolji način predstavlja sliku našeg grada kao Olimpijskog grada u kojem su održane 14. Zimske olimpijske igre, od 08. do 19. februara 1984. godine.

Prvobitna namjera bila je da se jarboli postave na istočni ulaz u grad Sarajevo uz magistralni put M5 na teritoriji općine Stari Grad Sarajevo, ali i pored napora da se osigura adekvatna lokacija, ista nije mogla biti pronađena, jer nije mogao biti riješen problem imovinsko-pravnih odnosa za predloženu lokaciju.

Tako je u saradnji sa Općinom Centar Sarajevo pronađena adekvatna lokacija kod stadiona Koševo te je u skladu sa općinskom Odlukom o korištenju javnih površina Gradu Sarajevo dodijeljena lokacija za postavljanje jarbola.

Bitno je napomenuti da se Grad Sarajevo obratio Međunarodnom olimpijskom komitetu za saglasnost za korištenje zastave sa olimpijskim krugovima, ali za isto nismo dobili odobrenje, te nam je sugerirano da možemo koristiti maskotu Olimpijskih igara 1984. „Vučka“. Shodno navedenom, Gradsko vijeće je donijelo Odluku o davanju saglasnosti za potpisivanje Sporazuma sa Gradom Šanliurfa, Republika Turska, o postavljanju dva jarbola sa zastavama Grada Sarajeva i zastavom zvanične maskote XIV Zimskih olimpijskih igara – Vučko na lokaciji kod stadiona Koševo.

Na osnovu tehničke specifikacije dostavljene od Grada Šanliurfa, Grad Sarajevo je izradio projektnu dokumentaciju na osnovu koje je raspisan javni tender za izbor najpovoljnijeg izvođača radova za postavljanje jarbola na ovoj lokaciji. Nakon završenih procedura Javne nabavke, dana 26.09.2022. godine, zaključen je ugovor za izvođenje radova na postavljanju dva jarbola na lokaciji kod stadiona Koševo sa izvođačem Dinalsa d.o.o. Sarajevo. Glavni projekat za podizanje jarbola izrađen je od strane pravnog lica HS inženjering d.o.o. Sarajevo, dok je stručni nadzor nad izvođenjem predmetnih radova vršila firma Plan projekt d.o.o. Sarajevo. Predmetni radovi su završeni 16.11.2022. godine. Dana 17.11.2022. godine izvršeno je podizanje zastava, čime je i zvanično završeno ovaj projekat.

Grad Sarajevo će u narednom periodu, putem nadležne službe, vršiti održavanje jarbola i zastava na istim.